

Дауыс беру құқығын беретін есептен шығару куәліктерін табыс ету туралы Нұсқаулықты бекіту туралы

Күшін жойған

Қазақстан Республикасы Орталық сайлау комиссиясы Төрағасының 2005 жылғы 26 сәуірдегі N 1/2 Қаулысы. Қазақстан Республикасының Әділет министрлігінде 2005 жылғы 3 мамырда тіркелді. Тіркеу N 3607. Қаулының күші жойылды - Қазақстан Республикасы Орталық сайлау комиссиясының 2007 жылғы 25 маусымдағы N 90/171 қаулысымен

Ескерту. Қаулының күші жойылды - Қазақстан Республикасы Орталық сайлау комиссиясының 2007 жылғы 25 маусымдағы N 90/171 қаулысымен.

"Қазақстан Республикасындағы сайлау туралы" Қазақстан Республикасының Конституциялық заңының 12 және 41 баптарына сәйкес Қазақстан Республикасының Орталық сайлау комиссиясы **ҚАУЛЫ ЕТЕДІ:**

1. Дауыс беру құқығын беретін есептен шығару куәліктерін табыс ету туралы қоса берілген Нұсқаулық бекітілсін.
2. Осы қаулы оны ресми жариялаған күннен бастап қолданысқа енгізіледі.

Төраға

Қ а з а қ с т а н Р е с п у б л и к а с ы
О р т а л ы қ с а й л а у к о м и с с и я с ы н ы ң
2 0 0 5 ж ы л ғ ы 2 6 с ә у і р д е г і
N 1 / 2 қ а у л ы с ы м е н
бекітілген

**Дауыс беру құқығын беретін есептен шығару
куәліктерін табыс ету туралы
Нұсқаулық**

Дауыс беру құқығын беретін есептен шығару куәліктерін табыс ету туралы Нұсқаулық (бұдан әрі - Нұсқаулық) Қазақстан Республикасының Конституциясына, "Қазақстан Республикасындағы сайлау туралы" Қазақстан Республикасының Конституциялық заңына, Қазақстан Республикасы Президентінің "Қазақстан Республикасының Орталық сайлау комиссиясы туралы ережені бекіту туралы" 1996 жылғы 11 қарашадағы N 3205 Жарлығына, өзге де нормативтік құқықтық актілерге сәйкес әзірленген және дауыс беру құқығын беретін есептен шығару куәліктерін (бұдан әрі - есептен шығару куәліктерін) табыс ету мәселелерін егжей-тегжейлі көрсетеді.

1. Жалпы жұрттың танысуы үшін сайлаушылар тізімдерін ұсыну мен сайлау күні арасында сайлаушы өзінің болу орнын ауыстырған кезде ол тұрақты мекені тіркелген жері бойынша учаскелік сайлау комиссиясына дауыс беру құқығын беретін есептен шығару куәлігін алуға арызбен (1 қосымша) өтініш жасауға құқылы.

2. Сайлаушыдан осындай арыз түскен және ол жеке басын куәландыратын құжатын көрсеткен кезде, учаскелік сайлау комиссиясының төрағасы немесе мүшесі оған есептен шығару куәлігін (2 қосымша) табыс етеді.

3. Есептен шығару куәлігін учаскелік сайлау комиссиясының төрағасы немесе мүшесі анық етіп қолдан толтырады.

Толтыру сайлаушының тілегі бойынша мемлекеттік немесе орыс тілінде жасалады да сайлаушы туралы және ол көрсеткен жеке басын куәландыратын құжат туралы мынадай мәліметтерді қамтиды:

тегі, аты, әкесінің аты;
тұрған күні;
тұрғылықты жері тіркелген мекен-жайы;

жеке басын куәландыратын құжаттың берілген күні, коды немесе нөмірі және берген органның атауы.

4. Есептен шығару куәлігін табыс еткен учаскелік сайлау комиссиясының төрағасы немесе мүшесі сайлаушылар тізіміндегі "ескертулер" деген бағанға есептен шығару куәлігінің табыс етілген күні мен нөмірі туралы жазу енгізеді.

Сайлаушының есептен шығару куәлігін алуға берген арызы сайлаушылар тізіміне қоса тіркеледі.

5. Есептен шығару куәлігін табыс ету, соттың немесе жоғары тұрған сайлау комиссиясының шешімін орындауды қоспағанда, дауыс берілетін күннің алдындағы күні сағат 18-де тоқтатылады.

6. Бір елді мекеннің шегіндегі басқа сайлау учаскесінде дауыс беруге қатысуға тілек білдірген сайлаушыларға есептен шығару куәлігі табыс етілмейді.

7. Жоғалып қалған дауыс беру құқығын беретін есептен шығару куәліктері қалпына келтірілмейді.

8. Сайлаушы өзінің келген орны бойынша учаскелік сайлау комиссиясына есептен шығару куәлігін және өзінің жеке басын куәландыратын, осы есептен шығару куәлігін алуға негіз болған, құжатын көрсеткен кезде учаскелік сайлау комиссиясы дауыс беретін күні оны осы сайлау учаскесіндегі сайлаушылар тізіміне енгізеді.

Учаскелік сайлау комиссиясының мүшесі бұл сайлаушы туралы мәліметтерді сайлаушылар тізіміне соңғыдан кейін келетін реттік нөмірмен енгізеді.

9. Сайлаушы бюллетеньді алғандығы туралы қол қояды да осы сайлау учаскесінде жалпы негізде дауыс береді.

10. Есептен шығару куәлігі сайлаушылар тізіміне қоса тіркеледі.

11. Учаскелік сайлау комиссиясының төрағасы және тиісті мүшесі есептен шығару куәліктері негізінде учаскелік сайлау комиссиясы енгізген сайлаушылар туралы мәліметтердің нақтылығы үшін Қазақстан Республикасының заңнамалық актілерінде белгіленген тәртіппен жауаптылықта болады.

Дауыс беру құқығын беретін
есептен шығару куәлігін табыс
ету туралы Нұсқаулыққа

1 қосымша

Кімге _____

**Дауыс беру құқығын беретін
есептен шығару куәлігін алуға**

АРЫЗ

Мен, _____,
сайлаушының тегі, аты, әкесінің аты, туған күні

_____ N _____
жеке басын куәландыратын құжаттың атауы коды немесе нөмірі

_____ жылы "_____" _____
берілген күні берген органның атауы

_____ берген,

_____ тұрақты мекені тіркелген мекен-жайы
_____ тұрушы,

_____ сайлаушы өзінің болу орнын ауыстыру себебін көрсетеді және _____
_____ байланысты

_____ оны растайтын құжаттарды танысу үшін ұсынады
"Қазақстан Республикасындағы сайлау туралы" Конституциялық заңның
41-бабының 6-1-тармағы негізінде дауыс беру құқығын беретін есептен
шығару куәлігін табыс етуді ӨТІНЕМІН.

Сайлаушы _____

_____ қолы _____ тегі, аты-жөні
_____ жылғы "_____" _____

_____ өтініш жасалған күн

Ескерту: Сайлаушы арызды анық етіп қолдан толтырады.

Дауыс беру құқығын беретін
есептен шығару куәлігін табыс
ету туралы Нұсқаулыққа

2 қосымша

Қазақстан Республикасы _____ сайлауы

_____ жылғы " _____ "
сайлау күні

**Дауыс беру құқығын беретін
ЕСЕПТЕН ШЫҒАРУ КУӘЛІГІ N _____**

_____ сайлаушының тегі, аты, әкесінің аты, туған күні
N _____

_____ жеке басын куәландыратын құжаттың атауы _____ коды немесе нөмірі

_____ жылы " _____ "

_____ берілген күні _____ берген органның атауы

_____ берген,

_____ тұрақты мекені тіркелген мекен-жайы

_____ тұрушы,

"Қазақстан Республикасындағы сайлау туралы" Конституциялық заңның
41-бабының 6-1-тармағы негізінде дауыс беретін күні оның келген
орны бойынша сайлау учаскесіндегі сайлаушылар тізіміне енгізіледі.

_____ сайлау учаскесінің орналасқан жері - ауыл (село), кент,

_____ аудан, қала, қаладағы аудан, облыс

_____ N _____ учаскелік сайлау комиссиясы табыс еткен.

Учаскелік сайлау комиссиясының _____

М.О.

Төрағасы/Мүшесі _____

_____ қолы _____ тегі, аты-жөні

_____ жылғы

" _____ "

_____ куәлік берілген күн

Жеке басын куәландыратын құжатты көрсеткен кезде жарамды.